

朝陽縣志卷二十九

列女一

漢劉向傳列女母儀賢明不拘一目而節義爲特重
朝陽俗鮮浮華習尙貞烈婦女之捐軀殉義暨誓志
守貞者代不乏人凡已見前史與旌表所及者悉登
諸簡若夫幽光未耀有待貞珉亟宜表章以敦風化
志列女

韓慶民妻不知何許人亦不知其姓氏慶民仕遼爲宜
州節度使天會中攻破宜州慶民不屈而死以其妻

配將士其妻誓死不從遂自殺世宗讀太宗實錄見

慶民夫婦事嘆曰如此節操可謂難矣

金史案屬
鄂遼史拾遺

戴天祚亡殉國者寥寥故遼史無忠義傳慶民亦忠
義中一人史何以不立傳其妻不屈於金而死宜改
入遼史列女傳而遼宜州屬今朝
陽縣土默特左右翼地故錄於此

齊大妻三座塔廳人守正捐軀乾隆四十二年旌表

杜希傳母韓氏朝陽縣人守正捐軀嘉慶二十四年旌

表

以上載承
德府志

節婦民人張賡堂之妻辛氏

節婦民人余鍾德之妻鄒氏

節孝婦士民邢廷璽之妻張氏

貞婦民人安平之妻趙氏

貞婦民人段永明之妻馮氏

貞婦民人李文祿之妻唐氏

貞婦民人李秀之妻張氏

貞婦民婦錢炳氏

貞婦民婦丁霍氏

貞婦民婦許辛氏

貞婦民婦戴李氏

貞婦民人李顯宗之妻劉氏

貞婦民人韓文俊之妻王氏

貞婦民婦李高氏

貞婦民婦崔李氏

貞婦民婦隋張氏

貞婦民婦劉杜氏

貞烈民女王珠

貞烈民人張再耀之女張傻頭

以上載縣城節孝祠事蹟年歲里居代遠失考

王慶妻張氏年二十四歲夫卒遺幼女一嗣子名謨氏
矢志撫孤子入泮氏年七十餘歲壽終

庠生王炳煜妻氏年二十六歲夫卒守志卒年五十六
歲子一名堡業醫

鄭超龍妻宋氏二十一歲出適二十八歲夫卒遺一子
六歲一女三歲夫之前妻遺子女各一俱幼氏性最
柔順視夫前妻子無異所出事翁孝躬親服役未嘗
少懈年六十六歲壽終

孫氏庠生孫鵬漢胞妹庠生孫毓芳胞姑幼讀書知禮

許字快馬溝庠生王明剛之姪夫之父兄偶斃人命夫代父兄任罪繫獄孫氏得耗不飲食者五六日旋欲赴王門代夫養親王不許且遣冰人來退婚數次孫誓不改字衣縞素謝鉛華者十有三載先是誤傳其夫秋決有日大慟幾絕遂成翻胃之疾久而增劇其夫於咸豐辛亥恩赦宥免而孫竟於其夫出獄日卒享年三十四歲

張尹氏住縣西四座塔溝二十一歲適張姑沒翁娶再醮婦王氏虐遇之未幾夫卒子甫二齡繼姑王勒令

改適戚族等以其日受箠楚亦以變節勸之尹志不
少搖糟糠井臼之苦怡如也年七十餘歲壽終

黃尹氏張尹氏之胞妹也二十三歲而寡子生甫四十
日家赤貧無翁姑伯叔父屢以再醮示意婉辭謝之
備歷艱辛者四十餘年六十八歲壽終

王堯妻李氏年二十七守節子二女一俱幼家貧教導
子女嚴而有方鄉里咸敬服焉卒年九十有一

雷福成妻周氏生員雷振聲祖母二十八歲而寡子一
六歲氏撫孤守志五十八歲卒生時好調恤貧困及

歿鄰里咸思慕其德焉

唐克松妻邢氏生員廷撰廷芳之祖姑也年二十七歲夫卒遺子女各一俱在襁褓家徒壁立而守志不移年八十餘壽終

安平妻趙氏守正自戕同治八年請旌

馬義妻林氏年三十四歲夫卒子一尙幼忍飢守節志行可嘉年七十餘歲以壽終

張亮臣妻孟氏三十二歲夫卒遺子仲坦甫四歲孟撫養讀書成立年三十五歲卒後繼子潤德張本越人

流寓於此素無戚族甘貧守節人咸嘉之至七十
三歲壽終

張賡堂妻辛氏二十九歲夫卒無子孀姑已老小姑暨
夫前妻所遺二女俱未字人氏事姑孝遇女慈兩次
繼子皆殤迨姑歿小姑及女嫁氏謹依亡夫木主度
日清節冰霜當世稱焉卒年七十餘歲咸豐五年請
旌

李方孔妻林氏自二十二歲守志節孝兩全卒年六十
有六

李汝輝妻尤氏年二十三歲而寡家極貧二子幼氏躬親家務卒致小康年八十三歲壽終

李世錫妻許氏年二十七歲而寡食貧守節事翁姑能得歡心撫弱孤至於成立鄰里稱之六十餘歲卒

李紹賢妻韓氏二十八歲夫卒守節歷久彌堅六十餘歲壽終

許進孝妻辛氏年二十八歲夫亡守節上事翁姑頗稱孝順年六十一歲卒

王琳妻曾氏二十七歲夫歿家赤貧子鳳儀年僅七歲

時孀祖姑年七十一歲孀姑年五十歲曾紡績縫紉
生事死葬皆無缺略教子持家亦有可觀六十九歲
壽終

趙文福妻黃氏二十八歲夫卒家甚貧子受魁受錫俱
幼氏食力撫孤備極艱苦至六十八歲卒

趙升禮妻王氏年二十餘夫卒守志年七十餘歲以壽
終

郭妻孔氏年三十歲而寡安貧守節其賢孝素爲
鄉黨所稱

皮有貴妻周氏年三十歲夫卒無子勵志守節其清潔
可風卒年七十有三

皮有榮妻晁氏二十九歲夫歿嗣子一與夫兄妻周氏
奉事翁姑矢志靡他年六十九歲卒

孫伊鑄繼妻梁氏年二十八歲夫卒守節至六十八歲
卒

六品軍功劉毓清之母尤氏年二十九歲夫鎮卒毓清
始六歲女一始二歲誓志撫孤家無擔石而處之淡
如年六十七歲卒

又題夫面題奴

唯發妻高氏年二十八歲夫歿子慶雲二歲女十歲苦節堅貞而教子持家落落然有丈夫風年五十六歲卒

國學生鄭廣美之嫂趙氏十七歲適鄭逾年夫亡孝事翁姑凡知者俱無間言年八十餘歲壽終

張平母李氏十八歲于歸生三子一女而夫病歿時年二十有七家貧惟紡績自給訓子有方教女亦嚴鄰里宗族咸重之七十三歲

張印妻黃氏張本遼東人娶黃數年而客死他鄉黃撫

其子女苦節已四十年矣

王希武妻張氏年二十九歲而寡子懷玉懷珍俱幼甘貧守志教子亦嚴時年八十歲矣

處士盧雲祥妻姜氏建昌縣庠生姜殿邦胞妹年二十三歲夫歿無子幼女未脫襁褓矢志柏舟茹苦拾薪志少不變事姑以孝聞今六十歲矣而敬事猶然不衰鄉里稱之

孫泰妻安氏二十七歲夫亡無子繼子名尙志貞潔自守鄉里重之時年七十歲矣

初絹兒農人初浩女年十四許字孫姓孫氏子遠出數
年無耗甘令初氏改字父母欲從之女不可且曰請
待十年不歸然後嫁越十年其父已亡母令姑姊輩
試其意女毅然曰向者十年之約權辭也始待之繼
則改焉與不待相去幾何如必欲改字有死而已母
見志不可奪遂聽之有問名者皆謝絕焉女又嘗言
志在以死謝孫今之苟活者徒以有老母在耳時年
三十七矣衣裳縞素親鄰罕覩其面志可嘉也

光緒元年冬其夫來口言在遼東
娶妻生子今已致富不久將歸矣

王福侯妻傅氏自二十六歲夫亡子琦方三歲家赤貧氏矢志守節孝事翁姑琦長事母亦謹人咸以爲貞孝之報云時年七十四歲

艾士傑妻郭氏二十一歲適艾二十五歲夫亡子振業方三歲女一生甫數月守節不移孝翁姑睦妯娌婦德之稱內外無間言時年五十歲

張陳氏三十三歲夫亡子六貞節自守教子亦嚴年九十四歲卒長子耀先監生三子掄元庠生

尹重三妻李氏二十七歲夫卒守節仰事翁姑俯畜二